

乾隆韓城縣志

序

歲在癸卯余筮仕得韓城令披覽前志多漶漫不可卒讀蓋自
前令康君修輯至今八十餘年其間時事日殊人才輩出當補
入者不啻十之五六余旋因奉檄分校鄉闈欲重加編纂而宋
暇也適

大中丞畢公有繕治之命於是與邑紳士徵文考獻磨嘉定錢
君精其義例密其體裁書未竣而錢君署漢陰通守篆以去余
爲之考建置之源流政教之沿革山川風土之淳薄人材選舉
之盛衰綴闕釐僞成若干卷而志之條理粗具夫邑志之作雖
屬一隅然搜討援據卽史臣紀載之義也關中舊志康對山王
漢陂則效三輔黃圖韓五泉則仿潞水志皆以簡練爲尙特余
聞古者地志惟載山川形勝風俗物產間舉古蹟以証地之所

在非誇多門靡資文苑之用也至亭臺橋市佛寺道觀名宦人物詩文悉載者自南宋之志爲然唐人志乘遠不可稽今所見宋時本如朱長文之吳郡圖經周濂之臨安志梁克家之三山志范成大之吳郡志羅願之新安志四明志施宿之會稽志周應合之建康志潛說友之臨安志多至十卷二十卷或至八九十卷知前賢撰述未可以多寡分優劣也蓋縣志欲其詳至府志通減之省志一統志則更刪削之若邑志太簡譬諸登高而望四至雖一指點可盡而峯巒之迴伏林木之遮蔽川涂之支派終有未甚明晰者是志也不敢務繁亦不敢太簡余因諸君子之攷覈得寓目其間藉手以成信乘庶幾毋貽守土者羞乎余家先大司馬前明神廟時爲侍御持節秦中嘗博采關隴舊述遇名山大川每有題詠刊諸樂石迄今碑版尚多摹拓余於

先大司馬無能爲役第不敢苟且補苴以滋訛謬凡可爲法戒者具列志中將與士民奉爲蓍蔡焉若徒曰昭往蹟以供見聞奚以志爲哉

乾隆歲在甲辰冬十月知韓城縣事汝南傅應奎撰

編次

署興安府通判錢坫江蘇嘉定人

原任河南項城縣知縣陳謀江蘇人

丁酉科舉人周光隣河南人

泰閱

韓城縣教諭魚豐長武人

韓城縣訓導劉士英西安人

採訪

歲貢生文作乂邑人

廩貢生賈鎮江邑人

附學 高元錫邑人

附學 趙濟川邑人

校訂

附

學

生

王當時

邑人

附

學

生

賈鎮洋

邑人

附

學

生

梁濬發

邑人

正字

韓

城

縣

典

史

董邦寧

直隸文安縣人

韓城縣志目錄

卷首

序文 纂修姓氏 目錄 星野圖
地理圖

卷一

建置 古城 鎮戍 鄉里 戶丁
市集 山川 水 橋渡

卷二

形勢 城池 縣署 兵防 驛傳 學校
公所 祠祀 古蹟 物產 風俗 冢墓
田賦 倉

卷三

文官表 循吏

卷四

科舉表

卷五

賢良 廉能 文學 武略

卷六

孝友 義行 流寓 方技 仙釋 壽民

卷七

貞女 烈婦 節婦 賢孝

卷八

奏疏

卷九

序引記

卷十

卷十一 記 頌

卷十二 考 辨 議 論 墓志 雜文 書後

卷十三 碑記

卷十四 詩 詩餘 賦 著述

卷十五 舊聞 舊序

卷十六 古題考 碑歌考

目錄終

星野志

韓城縣志卷首


續志云雍秦西薄玉關東臨蒲坂延袤遠矣以阨一邑真不啻彈丸黑子者然然少梁龍門實據山河之要危秦扼晉古惟與區星雲所繫疆域所分載籍以來烏容誣也仰稽頻察較如列眉爲奉若守土者攷鏡焉首星野

隋志曰斗一星至四爲魁春秋文曜鉤謂華岐以北龍門積石南至三危之野雍州也屬魁星而唐一行山河兩戒說謂河源自北紀之首循雍州北徼達華陰與地絡相會並行而東至太行之曲分而東流與涇渭濟瀆相爲表裏者大約以終南秦嶺分南北爲地之脊也其分野則秦爲東井與鬼唯鶉首之次春秋元命苞曰東井鬼宿分爲秦則韓其應屬也

晉有西河之地七百里或以爲星宜從參而通典所載高陵以東又其明徵云


唐天文志與鬼居兩河之陽當地絡之東南華陽以西南地是故止以井參爲屬

北斗魁八龍門圖前志



春秋文曜鉤曰華岐以北龍門積石南至三危之野雍州也
 魁星隋志曰斗一至四爲魁魁一星曰天樞


東井圖續志



唐天文志曰東井居兩河之陰當地絡之西北華陰以西
北地皆是

觜參圖

續志



通典云觜觿參得漢之高陵以東地又地志曰秦地自宏
農故關以西京兆扶風馮翊北地及西南武都陰平皆屬
焉


按韓之分野前志據春秋文曜鉤暨隋志所載謂韓屬魁
星有魁入龍門一圖而續志引唐一行山河兩戒說合唐
天文志春秋元命苞通典諸書則以井參爲屬並有東井
觜參二圖顧分野占星經緯相因今倣三圖備繪如左俾
蒞土者緣所考以固封守察祲祥而民政賴之矣至所分
應屬何星當俟博雅能辨之者

縣境全圖

東華黃河二十里

分野圖
每方
十里

北至宜川縣河川



南至仰陽縣太資里

里十二百一集到



望洛川縣界定楊程三百三十里

韓城縣志圖

五

里七十三村大

城隍圖

城郭圖

區屬境

教場

墨江壇

九郎廟

元通觀


分府


分府

分府


分府


分府







邑署圖







學宮圖





汪平書院圖





龍

門

山

園

龍門山圖





少梁圖

卷之四

十一





太史



墓圖



蘇山圖





釋地

韓城志卷一

縣第一

韓城縣隋置

太平寰宇記隋文帝置以古韓城爲名

文獻通考隋縣

卽周韓侯地與梁伯國爲界

詩溱彼韓城

史記晉世家夷吾將奔狄冀芮曰不如走梁梁近于秦

括地志韓城古韓國也

元和郡縣志縣古韓國及梁國

張守節史記正義少梁古梁國麻姓

司馬貞史記索隱梁國在馮翊夏陽縣

太平寰宇記縣古韓國及梁國

文獻通考縣古韓國

春秋時謂之韓原

博物志夏陽西南有韓原韓武子采邑

元和郡縣志春秋秦晉戰于韓原卽此地也

太平寰宇記古今地名云韓城韓武子食采于韓原亦秦晉戰于此

路史同之韓城南十八里有故韓城韓原也一曰宗邱與臨晉近

文獻通考秦晉戰韓原卽此地也

魏爲少梁

史記魏世家文侯六年城少梁

漢書地理志夏陽故少梁

魏書地形志夏陽故少梁

晉書地理志夏陽故少梁

太平寰宇記少梁亦春秋秦晉戰處也

文獻通考縣訓之少梁

秦惠文王更名夏陽置邑

史記秦本紀惠文君十一年更名少梁曰夏陽

漢書地理志秦惠文王十一年更名夏陽

服虔漢書注夏陽號邑也在大陽東三十里

水經注秦惠王十一年更名

晉書地理志秦惠文王更名

縣舊志夏陽今曰西少梁里

始皇屬內史爲夏陽縣

太平寰宇記今縣西南二里有夏陽城存

漢屬左馮翊

漢書地理志左馮翊有夏陽縣

續漢書郡國志左馮翊有夏陽縣

魏書地形志二漢屬馮翊

元和郡縣志漢爲夏陽縣之地

太平寰宇記漢爲夏陽縣地

後漢書順帝本紀永和五年徙上郡居夏陽

水經注橫溪水東逕夏陽故城北

王莽改縣名爲冀亭

漢書地理志夏陽莽曰冀亭

水經注夏陽王莽之冀亭也

晉屬馮翊郡後析置華山郡縣屬焉

通典馮翊魏除左

魏書地形志晉屬馮翊後屬華山郡

胡三省通鑑注華山郡晉分宏農之華陰京兆之鄭馮翊之夏陽置

魏亦屬華山郡後省入郃陽

魏書地形志華州華山郡有夏陽縣

按志于敷西縣下云太和十一年分夏陽置有

武平城高平城今地並在華陰界蓋誤也今不取

周書薛端傳薛龍駒徙居馮翊之夏陽按據此似西魏時又改屬馮翊郡然無所

開皇十八年析郃陽置韓城縣屬馮翊郡

隋書地理志開皇十八年置

按通典以爲後周時析

唐書地理志韓城隋置

元和郡縣志隋文帝分邵陽于此置韓城縣

太平寰宇記文帝分邵陽置縣

唐初屬西韓州後廢州縣仍屬馮翊郡馮翊郡者所謂同州也
州名自此始

唐書地理志武德七年割韓城縣屬西韓州八年自河西縣
移州理于此貞觀八年廢州還屬同州

新唐書地理志武德元年更郡爲同州八年以縣屬西韓州
貞觀八年州廢來屬

唐末更名韓原

新唐書地理志天祐二年更名韓原

唐會要天祐二年十二月改爲韓原縣

五代梁屬河中府後唐復韓原爲韓城還屬同州

五代史職方考同州五代俱有

文獻通考梁以縣隸河中府唐還隸同州

太平寰宇記梁割屬河中府後唐天成元年復舊

宋屬同州馮翊郡定國軍節度

宋史地理志同州韓城縣中

金升爲棧州

金史地理志棧祐二年升爲棧州

元史地理志韓城金曰棧州

一統志金棧祐三年升爲棧州

元廢棧州以縣屬同州

元史地理志至元元年廢楨州二年再立六年又廢止設縣
一統志元至元二年州廢六年以縣屬同州

明因之

續文獻通考元廢楨州止設縣明因之

明史地理志同州有韓城縣

明一統志同州有韓城縣

一統志元以縣屬同州明不改

本朝不改

一統志明以縣屬同州 本朝因之 按同州明及本朝爲州屬西安府雍正三年

改爲直隸州十三年升爲府

城第二

韓國故城

摺其志韓城在今縣南十八里

元和郡縣志韓國故城今在縣南十八里

太平寰宇記同元和志

梁國故城

張守節史記正義梁國在韓城縣南二十二里

元和郡縣志梁國故城今在韓城縣理南二十二里

太平寰宇記同元和志

少梁故城

括地志同州韓城縣南二十二里有少梁故城

元和郡縣志今在韓城縣二十三里有少梁故城

籍姑城

史記秦本紀靈公六年城籍姑

括地志故地在縣北

繁龐城

史記六國表魏文侯十二年公子擊圍繁龐秦厲十六年趙龐城

縣舊志龐城在縣東南

漢夏陽故城

水經注渭水東南逕夏陽故城北

太平寰宇記今韓城縣西南二里有夏陽故城

唐夏陽故城

太平寰宇記夏陽城漢縣名唐初廢縣後復置今在東北一

百二十里

案此在郃陽韓城兩縣界

元韓城故城

府志在薛封五領下

黑水城

魏書地形志夏陽縣有黑水城

梁山宮城

太平寰宇記案三秦記梁山宮城又名織錦城按此應在郿界

鄉里屯鎮戍府第三

北周十二屯

周書薛善領同州夏陽十二屯監

唐十二鄉宋五鄉

太平寰宇記舊十二鄉今五鄉

華池府

新唐書地理志同州有華池府

金寺前鎮

金史地理志縣有寺前鎮

良輔鎮

金史地理志縣有良輔鎮

龍門戍

隋書地理志韓城縣有關官

元和郡縣志極陰峻後周于此置龍門關今廢

通典韓城東北有龍門城又有龍門關周齊時攻守處

新唐書地理志韓城縣有關

太平寰宇記龍門關一名龍門戍西魏大統元年置在龍門

山下關口在龍門城即戍所也司馬彪莊子注吕梁即龍門

也在縣東北

明四鄉五十里

縣舊志明初四鄉五十里曰山觀鄉曰德津鄉曰沃壤鄉曰梁下鄉

四十里

縣舊志成化中并爲四十里

三十六里

縣舊志嘉靖中并爲三十六里山觀鄉管里九曰王封里土門里姚庄里梗村里趙村里寺庄里干谷里郭庄里西庄里德津鄉管里九曰白礬里江李里咎村里薛曲里謝庄里張村里帶村里留庄里周安里沃壤鄉管里九曰范村里相里周村里東少梁里芝川里呂庄里趙庄里郝庄里清水里梁

下鄉管里九曰高門里西周里西少梁里陳村里蘇村里澗
南里城西里南隅里北隅里

明戶丁

王封里戶五十八丁二百六十一土門里戶七十八丁三百
五十五姚庄里戶七十四丁三百七十八梗村里戶七十五
丁五百三十九趙村里戶四十九丁二百九寺庄里戶六十
七丁四百九十四千谷里戶五十八丁四百六十六郭庄里
戶六十八丁五百五十八西庄里戶十一丁二百七十五白
礮里戶五十八丁二百三十二江李里戶七十三丁五百二
十五管村里戶五十七丁六百三十八薛曲里戶八十四丁
六百二十謝庄里戶七十九丁四百八張村里戶八十六丁
六百六十九帶村里戶六十丁四百三十四留庄里戶七十

六丁四百一十周安里戶九十丁八百一范村里戶五十七
丁四百八十二相里戶五十六丁三百八十九周村里戶五
十一丁三百一十五東少梁里戶七十八丁四百八十芝川
里戶七十九丁四百六十四呂庄里戶五十三丁二百二趙
庄里戶六十四丁三百三十郝庄里戶五十六丁二百四十
四清水里戶五十一丁四百七十五高門里戶六十一丁三
百九十九西周里戶八十二丁六百四十三西少梁里戶六
十九丁三百五十九陳村里戶五十九丁三百一蘇村里戶
五十三丁三百七十八澗南里戶六十六丁三百六十城西
里戶七十二丁二百七十三南隅里戶一百二丁六百八十
北隅里戶一百丁七百九十四

市

縣舊志在縣城者二月初二日爲唐真人祠八月二十日爲城隍廟十二月初八日爲北閣寺在鄉者芝川鎮七月十五日爲九郎廟十月初十日爲府君祠胥鄉九月十三日爲關忠義廟西莊三月清明爲法王廟陳邨三月二十八日爲高神殿大集之在縣者米糧雜貨每關一月俱集城外花布則在察院門口日以爲常在鄉者芝川單日胥鄉以雙日薛峯大崩隨時小集忽有忽無

山屬第四

梁山在縣西北九十里

書禹貢壺口治梁及岐孔安國傳梁山在雍州

詩大雅奕奕梁山維禹甸之朱子集傳梁山韓之鎮也今在同州府韓城縣

春秋公羊傳梁山者何河上之山也

穀梁傳梁山崩

左氏傳梁山崩

爾雅梁山晉望也郭璞注梁山臨河上

漢書地理志禹貢梁山在馮翊夏陽縣西北

後漢書郡國志夏陽縣有梁山

魏土地記山在夏陽縣西臨于河上

水經注河水又南逕梁山原東原自山東南山至河晉之望也在馮翊夏陽之西北臨于河上山崩壅河三日不流晉侯以問伯宗卽是處也

晉書地理志梁山在夏陽縣西北

魏書地理志夏陽縣有梁山

陪書地里志韓城縣有梁山

新唐書地里志韓城縣有梁山

十道志關內道名山曰梁山

太平寰宇記大梁山在今縣西五里大梁別少梁之號

案此說甚

誤

雍錄梁山在雍州見于詩書者凡兩出禹貢治梁及岐此梁山在韓城縣詩所謂維禹甸之者是也太王去邠踰梁山在奉天西非禹貢之梁矣奉天梁山距同州治五百里諸家多混合言之誤

邵陽縣志山在邵陽縣西北四十里東西橫亘逶迤最遠穹隆之形如屋梁焉上有石室有羅漢洞有泉曰天井曰龍井又有東西谷

龍門山在縣東北六十里

書禹貢導河積石至于龍門孔安國傳山在河東之西界

穆天子傳北登龍門九河之砥

慎子河下龍門其流駛如竹箭騁馬追弗能及

尸子龍門未闢呂梁未鑿河出孟門之上

按呂氏
春秋同

漢書地理志龍門山在馮翊夏陽縣北

後漢書郡國志夏陽縣有龍門山

魏書地形志夏陽縣有龍門山

水經河水又南得龍門口注昔者大禹導河積石疏決梁山

卽斯處也卽經所謂龍門矣魏土地記梁山北有龍門山大

禹所鑿通孟津河口廣八十步巖際錯跡遺功尙存竹書紀

年晉昭公元年河赤于龍門三里梁惠成王四年河水赤于

龍門三日京房易妖占曰河水赤下民恨

三秦記河津一名龍門懸泉而行兩傍有山水陸不通龜魚

集龍門下數千不得上上則爲龍

按水經注云河水南得無雅曰龍門也出羣六

三月則上度龍門得度爲龍矣否則點額而還

括地志龍門山在縣北五十里此河西之山東與壺口隔水

相望

元和郡縣志龍門山在縣北五十里

新唐書地理志韓城縣有龍門山

太平寰宇記龍門山在縣北五十里

名山記河水至此山直下千仞其下湍瀾驚如山如沸兩崖

皆斷山絕壁相對如門惟神龍可越故曰龍門

三才圖會禹門禹貢龍門也亦曰禹門渡兩山壁立河出其

中廣百步世謂禹鑿

衛氏地圖記龍門山一名葑山形如筆架又名筆架山山上多紫荆又名紫荆山自蘆達嶺約五里自西徂東約十里

縣舊志龍門在韓城東北廣八十步袤九里三分兩岸斷壁狀盡斧鑿高者千仞卑者數十百仞卽梁山別麓其南俗呼禹門陵在大河中浮于水面望之如河渚然極衝激不能浸没人謂與河爲消長者非也蓋禹鑿巨石墜中流沉凝固結成邱阜耳山上有觀音洞玉鏡巖梯子崖金門鴿子堂等勝其西峰曰鐮鉞山按鐮鉞山卽安國嶺

衛氏地圖記觀音洞在山絕頂相傳霹靂一震山破崖開觀音及諸羅漢石像自山因就洞築室洞中常有雲氣覆之玉鏡巖在山正東白石嶙峋上凌背漢河東百里外一望輒見

之有梯子崖迤索腕嶺西而北羊腸鳥道逕桑園坡老虎嘴
又北里許過攢灘攀崖而上石磴層折謂之梯子崖由龍門
登禹閣達金門以至相工坪後之石城率由是道有金門由
龍門而上六七里又金門之石山半有相工坪廣二丈餘長
四丈餘片石臨河瑩潔可愛相傳爲大禹督工處有鴿子堂
在金門西岸半山間削壁屹立懸崖橫峙形如帷幔又髣髴
梁櫬下有石窟廣可五尺高三倍仰攀無極俯臨無地惟鴿
鳥累百棲其口可望而不可卽俗呼爲它裏

三累山在縣西北四十里

水經注其山層密三成故俗以三累名按爾雅二成爲昆侖
邱斯山是亦昆侖邱乎

韓原在縣西南八里

春秋左傳僖公十五年秦晉戰于韓原

博物志韓武子采邑

古今地名韓武子食采于韓原亦秦晉戰于此

括地志韓原在縣西南八里

太平寰宇記韓奕詩云有倬其道韓侯受命是也又秦獲晉惠公以歸之處

高門原在縣西南二十里

史記太史公自序司馬昌黎高門

按蘇林以爲是長安北門非也薛瓚曰長安無高門

水經注陶渠水南逕高門原蓋層阜墜缺故流高門之稱矣

今高門去華池三里

括地志高門原俗名馬門原在縣西南十八里

縣志原在芝川西北梁山之麓有層阜秀出雲表

鬼谷在縣西南四十里

隋書地理志韓城縣有鬼谷

名勝志登巍山上羣峯皆拱揖諺云華山高只值巍山腰

按

巍與鬼字同鬼谷卽巍山也

二石室在三累山下

水經注三累山水際有二石室蓋隱者之故居矣

側溪山南石室在溪水側

水經注側溪山南有石室西面有兩石室北面有二石室皆因阿結屬連屬接達所謂石室相距也東廂石上猶傳杵舊之跡庭中亦有舊宇處尙髣髴前基北坎室上有微涓石溜豐周瓢飲似是栖遊隱學之所昔子夏教授西河疑卽此也而無以辨之

大象山在縣西北二十里

名勝志出西郭卽得山麓濂水南旋山勢起伏如象之飲于潭

橫山在縣西北二十里

名勝志迤川西北羣峰沓互宅中遠處爲橫山石奇如河澗底泉聲弄筑振環山有石洞爲道士赫淨元羽化處其中遺書銅碑底爲人剝取其藏書穴丹竈至今猶存

五峙山在縣西北

前秦錄永興二年四月苻堅如龍門五峙

縣舊志峙在萬山中爲岑凡五深巖邃谷人跡罕至北峙最遠去縣可百二十里西峙次之東南峙又次之中峙稍近亦且八十里俱有泉俗名海眼山多松中峙尤勝自麓及巔青

慈夷路幽絕人竇今稱爲五池山

鳳凰山在縣北四十里

香山在縣西南五十里

縣舊志因唐白居易名俗又呼爲方山

牡丹山在縣西北六十里

縣舊志山多產牡丹開時紅紫滿山香聞十里土人採以當薪

猿山在縣西北五十里

獅嶺山在大象山南

縣舊志形如獅子臨于潭水蹣跚欲動

馬頭山在縣南十五里山形如馬首

八郎山在縣西北

蘇山在縣西北

縣志山有漢蘇武墓以名山古徑盤曲而上有老柏三百餘柯皆南向其麓多柿樹霜後滿山紅色可愛

土嶺在縣西三十五里

神道嶺在縣西北一百二十里與延安府宜川縣接

界按張士佩志作

晨道

麻茨嶺在縣西北一百二十里

縣舊志與雒川縣分界明成化八年參議嚴憲鑿山開道以

通積餉

按今俗作麻線嶺

朱砂嶺在縣西北一百一十里

縣冊盤水所出

文家嶺在縣西北二十里

縣舊志在文水北嶺之南有黃花谷

柏林洞在縣西北四十五里

牛心峽在縣西四十五里

縣冊在薛峰鎮西

名勝志峽勢甚奇其左怪石巉然兩水匯處急流如橫幅練

錦石門在縣西六十里

縣冊在薛峰鎮南

名勝志老石成園森然如溪澗水沄沄野趣甚曠

天鵝頭在縣西五十五里

縣冊在薛峰鎮西北

名勝志峰不高而娟秀一川景色盡在望中松樹尤多蔥鬱

按張士佩志有天成寨卽此

牡丹坪在渚兆村

縣舊志以上多牡丹故名

水屬第五

黃河在縣東十五里自宜川界流入與山西河津榮河分界又南入邵陽界

水經河水又南出龍門口注又南右合暢谷水又南逕梁山原東又南嶠谷水注之又南合陶渠水昔魏文侯與吳起浮河而下美河山之固卽於此也

縣舊志自龍門而南距邵陽不百里河壩多客土遇潦輒潰與榮河接界

暢谷水在縣北百十里

水經注暢谷水自溪東南流逕夏陽縣西北東南注于河

縣舊志一名盤水源出硃砂嶺歷縣北逕馮峰口東過薛曲里暖水自西南入焉又南過帶村東入于河

蜺谷水在縣西南一里

說文解字泥

水名

按古無蜺字應作泥今又作濂同

水經注蜺谷水出縣西北梁山東南流橫溪水注之東南注于河

太平寰宇記蜺谷水在縣南一里注于河

雍勝畧水出自西山東南流二十二里入黃河

通志濂水源出麻羨嶺東流爲白馬潭受七分入河

縣舊志濂水在縣西一里源出麻羨嶺東流過石門離水自

南入焉又東過景村谷水自之入焉又東北過土嶺洹水自

西北入焉又東出土門岸高口窄水執迅急過邑城西轉而

南其執益激澗水自西入焉又南過陳村澗水自西入焉又南過馬頭山澗水自西入焉又南過少梁澗水自西入焉又東南合芝水入于河

西安府志白馬潭在縣西七十里

縣冊澗水流經土門口在縣西五里

陶渠水在縣西北二十三里

水經注陶渠水出西北梁山東南流逕漢陽太守殷濟精廬南又南逕高門南又東南逕華池南又東南逕夏陽縣故城南又歷高陽宮北又東南逕司馬子長墓北東南流入河通志亦名芝川河源出香山卽古陶渠水也

縣舊志芝川河在縣南二十里源出方山東南流諸山水自西南來會踰高家坡澗水自北來入焉又東過鐸薛澗水自

西南來入焉

又東過呂庄沅水自西北來入焉又東過芝川

鎮南司馬祠

北合濠水入于河

縣續志丹陽

觀碑漢武帝時得芝草于此遂稱芝川

華池在縣西南

十七里

史記太史公

自序司馬斬荃華池

按晉灼以爲在鄠縣非也

索隱華池去

高門三里

水經注陶水

又東南逕華池南池方三百六十步在夏陽城

西北四里許

故司馬遷碑文云高門華池在茲夏陽

括地志華池

在韓城縣西南七十里夏陽故城西北四里

按

十里應作十七里

鰲闕河在縣東

北七十里

衛氏地圖記

鰲闕河山龍門而上六七里卽金門其西有澗

曰治戶川川口頗多鋤跡昔金門未開崇伯不諳水性意欲使河直行東北故失利耳書云鯀陞洪水疑卽謂此也

縣續志龍門山北有河界似龍門而不能通相傳鯀治水時所鑿今名錯開河

文水在縣北二十里

縣舊志盤水南有二渠一名汀水一名萬泉卽文水也東流至開化寺入于盤水

暖水在吳村

縣冊水入文水

谷水在縣西北四里

縣志源出蘇山東流至留庄入于河

漢泉

全唐詩馮翊屬縣夏陽有漢泉太和中趙生者尉於夏陽
與友步月泉上見一人貌甚黑被綠袍自水中流沿泳吟詩
曰夜月明皎皎綠波空悠悠久之入水明日又至泉所有神
祠曰漢水神入廟見偶人被綠袍者前所見水中人也

獨泉在縣北百二十里

馬杓泉在縣西二十里

通志原出石鑄以形似名

天蹲泉在縣西天蹲堡

龍泉在縣南三里

府志在涼水之陰冬夏澄碧滙龍王廟前爲方池有松偃蓋
其上旱禱有應

北泉在縣南芝川鎮西

河漢泉在縣東五里

靈潭在縣西三里

縣舊志一名青龍潭在晚巖之下將雨則雲起相傳有龍潛焉旱禱輒應

銅底井在縣城東北

石井在縣西北十里

古渠在縣  里

新唐書地理志武德七年治中靈得臣自龍門引河溉田六十餘頃

今渠

陝西政典渠引潒水灌山內田者首爲白馬灘堰自麻線嶺碾子灣起灌田四十畝又東爲白馬灘下堰自孫家坡起灌

田二十八畝又東爲景峰邨堰自本村起分渠大小五道灌田一百七十畝又東爲牛心村堰自合水溝起灌田十五畝又東爲張家堰渠自碧崖下起灌田七十餘畝又東爲薛峰邨橫道堰自泉子崖起灌田八十畝又東爲土嶺堰自馬池崖起灌田八十畝又東爲牛家灣堰自虎兒崖起灌田二十畝又東爲西澤村堰白石崖道下起灌田六十畝又東爲東澤村堰自西澤村起灌田六十畝又東爲東澤村下堰自本村西起灌田四十畝又東爲潭家灣堰自東澤村起灌田七十畝又東爲侯家峪堰自本村起灌田十六畝又東爲嶺底村堰自呂家灘起灌田三十五畝又東爲柏嶺村第一堰自娘娘廟下起灌田一百八十畝又東爲柏嶺村第二堰自嶺底村東起灌田一百二十五畝又東爲坎家灣渠自嶺底村

南起灌田七十五畝又東爲藥樹堰渠自板橋溝起灌田六十五畝又東至竹園村爲趙家堰自陝家橋起灌田九十畝又本村有河西上堰自王堦村起灌田四十三畝又南爲河西下堰自馬石泉起灌田三十畝又南爲磨底下堰自王堦灣起灌田二十一畝涼水又東流出西山口引而南流至南澗西爲南澗西堰自斜子口起灌田三十五畝又南爲下水池堰自本村橋下起灌田五十畝又南爲南灣下堰自砦子西窰起灌田二十三畝又南爲東灣上堰自沙窰起灌田九十畝又南爲東灣下堰自本村起灌田二十畝涼水出西山口正東流者首爲土門第一堰自竹園村東鑿石導水經土門薛曲等村共灌田四百畝涼水又東爲第二堰自土門右龍潭左起經土門薛曲帶城北之半東至北關之西觀音堂

前入城壕繞西關而南東出廟後村灌田九百餘畝又東爲
第三堰自獅嶺山龍潭下起灌田五百七十九畝又支分爲
北澗西村堰自獅嶺龍潭右起灌田一百四十五畝又東爲
第四堰自北澗西關帝廟起經流澗西澗南灌田一千畝又
東爲大五堰自澗西許家溝起經流新村灌田三百畝又東
爲小五堰分渠三道亦自許家溝起灌田一百八十畝又東
爲第六堰自南澗村北起經焦家灘灌田七百一十畝又東
爲第七堰久廢又東爲第八堰原自南橋下起因衝崩今自
城古村崖下起經范村雙樓富村灌田八百七十畝又東爲
第九堰自龍泉寺起經雙樓富村南北周村灌田九百七十
畝又有陶渠村堰陶村本瘠地明張士佩鑿石引渠以溉
之遂得與上地等其堰自華薛村起經流石佛寺灌田四百

八十畝又東爲西趙莊堰自陶梁村牛王廟下起灌田七十
四畝又東爲東趙莊堰自孫家砦起灌田六十二畝又東爲
郭家莊堰自趙莊小寺起灌田一百餘畝又東爲柘香村堰
自郭家莊起灌田五十畝又東爲高門村堰自本村西坑水
起經流堡安露沉諸村灌田七十五畝又東爲呂莊堰自羊
頭嘴起經流張家灣靈芝菴渭河橋灌田二百餘畝又東至
芝川鎮分三堰第一堰自呂莊藥王洞南山下起至觀音堂
灌田二百二十畝又東爲第二堰自渭河橋起至司馬坡下
灌田一百六十畝又東爲第三堰自鎮南門西起至東門北
灌田四百五十畝三堰中惟此渠最大穿鎮城過入西南出
東北砌以層石有水門又有雷家河堰自巍山下引潦水經
流趙家坡南西莊灌田十畝五分又有西河川堰自洞溝下

引澗水分渠五道經流英村張段諸堡灌田六十餘畝又東
爲陳村堰自本村起分渠三道共灌田七十五畝又有東彭
村堰自亞河頭南溝引澗水灌田十五畝又東爲南坡頭堰
自亞河頭起經流東彭村灌田十七畝又東爲北坡頭堰自
巍山下起經流東西彭村南北坡頭灌田十畝又有張村堰
在縣北二十里引文水者三堰張村堰自東莊坡下起灌田
五十畝又北爲管村南堰自張卽起灌田八十畝又有王家
莊堰引盤水溉田者首爲王家莊堰自燕家泉逕伏降口王
家莊灌田五百畝下流至西賈莊灌田七百畝又東爲楊家
村堰自伏降口起灌田六百畝又東南爲管村北堰自賈莊
起灌田一百五十畝

水程渡在縣

里

水經注溪水逕夏陽故城北東南注于河昔韓信之襲魏王豹也以木罌自此渡

通志今名少梁渡

龍門渡

縣舊志隋義寧元年唐高祖兵至龍門任環說上有梁山濟河詣韓城卽是處也

冰橋

縣續志在禹門每歲大雪時合驚蟄時開台則大雪前則以三日在大雪後則以四日俗所云前三後四也初合人不敢行俟夜有狐跡始可渡故老云橋中有裂一二尺者愈裂則愈厚名曰橋眼

龍門橋在清北邨西南

通志橋在石砌上增以磚袤八十尺廣二丈高五十丈萬歷丙申建

芝陽橋

通志長三十五步濶九尺高一丈二尺

西少梁橋

通志石砌長三丈濶一丈三尺高八尺隆慶戊辰建

呂莊橋在呂莊卹東

飛虹橋在郭莊卹西南

陳卹橋

通志高一丈五尺長六丈濶一丈二尺石砌嘉靖八年建

蘇卹南溪橋

通志石砌高二丈長一丈五尺濶一丈五尺

永濟橋在竹園鄉

通志高四丈